

Adroddiad i'r: Pwyllgor Craffu Partneriaethau

Dyddiad y Cyfarfod: Iau 12fed Gorffennaf 2012

Swyddog Arweiniol: Pennaeth Cynllunio Busnes a Pherfformiad

**Awdur yr Adroddiad: Swyddog Comisiynu a Gwerthuso, Tîm
Partneriaethau a Chymunedau**

**Teitl: Proses dendro a dyfarnu ar gyfer cyllid Rhaglen
Teuluoedd yn Gyntaf o Ebrill 2012**

1. Beth yw byrdwn yr adroddiad?

- 1.1. Rhoi manylion y broses dendro a dyfarnu i'r Pwyllgor Craffu Partneriaethau mewn perthynas â chomisiynu gwasanaethau i gefnogi Rhaglen Teuluoedd yn Gyntaf yn Sir Ddinbych.
- 1.2. Diweddarau'r Pwyllgor Craffu Partneriaethau ar y sefyllfa bresennol mewn perthynas â chomisiynu Prosiectau Strategol Teuluoedd yn Gyntaf ar gyfer cyfnod ariannol 2012-14.

2. Pam cyflwyno'r adroddiad hwn?

- 2.1 Cynnig sicrhad i'r Pwyllgor Craffu Partneriaethau bod proses dendro a dyfarnu agored wedi ei dilyn.
- 2.2 Hysbysu'r Pwyllgor Craffu Partneriaethau o statws y broses gomisiynu ar gyfer Prosiectau Strategol Teuluoedd yn Gyntaf ar gyfer cyfnod ariannol 2012-14, gan gynnwys manylion y darparwyr llwyddiannus hyd yma.

3. Beth yw'r Argymhellion?

Bod y Pwyllgor yn cefnogi'r prosesau a'r penderfyniadau a argymhellir gan Fwrdd Prosiectau Teuluoedd yn Gyntaf, fel y cadarahwyd mewn cyfarfodydd arbennig o Bartneriaeth Strategol Plant a Phobl Ifanc, ac yn gwneud sylwadau ar hynny.

4. Manylion yr adroddiad

PROSES DENDRO

4.1. Cymorth – cyfnod pontio i Deuluoedd yn Gyntaf

Trwy Fwrdd Partneriaeth Strategol Plant a Phobl Ifanc, penderfynodd Sir Ddinbych ddefnyddio cyfnod ariannol 2011-2012 fel blwyddyn bontio i roddi digon o rybudd i'r sawl a oedd yn derbyn cyllid Cymorth i addasu cyflwyniad eu prosiect os oedd angen, i fodloni meini prawf Teuluoedd yn Gyntaf. Gwnaed yn glir i ddarparwyr Cymorth y byddai cyllid ar gyfer eu prosiectau yn dod i ben ar 31ain Mawrth 2012.

Cytunodd y Bartneriaeth gomisiynu rhaglen newydd Teuluoedd yn Gyntaf o wasanaethau trwy ymarfer tendro agored yn defnyddio Sell2Wales

(gwefan a sefydlwyd i helpu mentrau bychain a chanolig yng Nghymru i gysylltu â chyrrff sector cyhoeddus i hyrwyddo eu hunain a chael cyfleoedd tendro addas). Sir Ddinbych yw'r unig awdurdod yng Ngogledd Cymru i fabwysiadu'r dull hwn o ddyrannu cyllid, er efallai y bydd mwy yn gwneud hyn ym mlwyddyn ariannol 2013-14.

Y bwriad oedd darparu proses deg ac agored i ddyrannu'r arian; rhoi'r ddarpariaeth orau a'r gwerth gorau am arian, ac angen dangos sut y byddai'r defnyddiwr gwasanaeth yn elwa (trwy fesur perfformiad yn unol ag atebolrwydd seiliedig ar ganlyniadau). Mae hwn yn newid arwyddocaol o'r gorffennol, pan roedd cyllid Cymorth yn cael ei ddsbarthu trwy gyfrwng proses llawer mwy anffurfiol. Canlyniad hynny oedd tueddiad i 'dreiglo' cyllid o flwyddyn i flwyddyn, heb ailasesu llwyddiant yn llawn neu adolygu canlyniadau.

4.2. **Cynllun Gweithredu Teuluoedd yn Gyntaf**

Gofynnodd Llywodraeth Cymru i bob awdurdod gynhyrchu Cynllun Gweithredu yn amlinellu'r ddarpariaeth arfaethedig a'r costau yn seiliedig ar ddysgu yn ystod Cyfnod Arloesi 2011-12 (mae Sir Ddinbych wedi gweithio ac yn parhau i weithio â Wrecsam a Sir y Fflint mewn consortia ar sail ranbarthol), asesiadau o angen a chanllawiau Llywodraeth Cymru.

4.3. **Bwrdd Prosiect Teuluoedd yn Gyntaf**

Sefydlodd Partneriaeth Strategol Plant a Phobl Ifanc Fwrdd Prosiect yn cynnwys partneriaid trydydd sector i reoli Rhaglen Gomisiynu / Cynllun Wedi Prosiect (yn cynnwys tasgau e.e. Manylebau, Dogfennau Tendr, amserlenni) ar gyfer Teuluoedd yn Gyntaf. Y canlyniad i'r Bwrdd Prosiect oedd alinio cyllid yn effeithiol gyda meini prawf y Cynllun MAWR / Teuluoedd yn Gyntaf.

4.4. **Cefnogaeth a gwybodaeth ar gyfer y Broses Dendro**

I alluogi darparwyr presennol i reoli'r symud trosodd, rhoddwyd cefnogaeth i'w helpu i addasu i'r meini prawf newydd a hefyd i annog darparwyr posibl eraill i ddod i mewn i'r farchnad. Cynhaliwyd cyfres o ddiwyddiadau rhannu gwybodaeth a gweithdai yn ychwanegol at gefnogaeth uniongyrchol a ariannwyd gan y Bartneriaeth, a'u cyflwyno trwy Gyngor Gwasanaethau Gwirfoddol Sir Ddinbych. Roedd y gefnogaeth i ddarparwyr posibl yn cynnwys:

- Gweithdy – 'Beth yw elfen Teuluoedd yn Gyntaf Canlyniad 4 yn Sir Ddinbych – Y Cynllun Mawr a sut medrwch chi gyfrannu tuag at ei gyflawni';
- Cyhoeddi Modelau Gwasanaeth drafft i ddarparwyr posibl;
- "Barod i Dendro" – gwasanaeth cyfeirio i gael cefnogaeth gyda chwblhau dogfennau tendro, a gwybodaeth ar y drefn;
- Cyhoeddi amserlen gaffael glir – y Broses Gomisiynu
- Gweithdy ar 'Weithio fel rhan o Gonsortiw' (h.y. cymdeithas/cynghrair), gan gynnwys datblygu cysylltiadau ar gyfer cefnogaeth, a darpar bartneriaid.
- Comisiynwyd Cyngor Gwasanaethau Gwirfoddol Sir Ddinbych i ddarparu sesiynau cefnogi, annog a galluogi partneriaid i weithio

mewn consortia, bod yn wasanaeth cyfeirio, a phrynu gwasanaeth ymgynghorwyr i weithio gyda chonsortia newydd.

4.5. **Dadansoddiad o'r Broses Dendro**

Mae'r cerrig milltir a dyddiadau cyflawni i'w gweld yn **Atodiad 1 Amserlen Dendro**.

Gwybodaeth ychwanegol:-

- 4.5.1. Derbyn ac agor tendrau ar 31 Ionawr 2012 gan y Swyddog Comisiynu a Gwerthuso a Swyddog Gweinyddol
- 4.5.2. Dyrannwyd rhif i bob tendr, a ddefnyddiwyd trwy gydol y cyfnod gwerthuso (i sicrhau bod pob un yn ddi-enw yn ystod y broses dendro)
- 4.5.3. Penodwyd a chytunwyd paneli gan Fwrdd Prosiect Teuluoedd yn Gyntaf i ystyried tendrau, a oedd yn cynnwys Aelod o'r Cabinet gyda chyfrifoldeb arweiniol, aelod o Fwrdd Prosiect Teuluoedd yn Gyntaf, cynrychiolydd gyda gwybodaeth berthnasol, defnyddwyr gwasanaeth lle'n bosibl, ac er mwyn cael cysondeb trwy'r broses, y Rheolwr Partneriaethau a Chymunedau, a'r Swyddog Comisiynu a Gwerthuso.
- 4.5.4. Cyfarfu pedwar panel ym mis Chwefror 2012 i ystyried y ceisiadau mewn meysydd gwasanaeth penodol. Cafodd y paneli eu grwpio mewn meysydd a oedd yn cysylltu'n naturiol, fel a ganlyn:

Panel 1: Gofalwyr Ifanc, Gofal Plant, Chwarae, Anabledd

Panel 2: Gwneud y Mwyaf o Incwm

Panel 3: Rhianta, Cefnogi Teuluoedd, Gwynwch Teuluoedd

Panel 4: Cefnogi Ieuencid

- 4.5.5. Cysylltwyd gyda chanolwr ar gyfer pob darparwr a ffefrir. Cafwyd 3 geirda ar gyfer pob ymgeisydd.
- 4.5.6. *Oedi a Myfyrio* – cafwyd ymarfer i edrych ar ddarparwyr a ffefrir i ystyried lle gellid cael gwerth ychwanegol trwy gryfhau cysylltiadau rhwng elfennau, adnabod unrhyw fylchau. Roedd y meysydd a nodwyd yn cynnwys marchnata a hyfforddi (lle gellid cronni cyllid gan nifer o'r ymgeiswyr i ddarparu a chyflwyno'n ganolog).
- 4.5.7. *Gwahoddiad i gyfarfod y Panel* – lle'r oedd angen esboniad ar rai agweddau o'r ceisiadau, gwahoddwyd yr ymgeiswyr i gyfarfod ag Aelodau'r Panel i fynd trwy eu cais yn fwy manwl.
- 4.5.8. *Cyfarfodydd Eglurhad a Chyn-contract* – cynhaliwyd y rhain gyda'r holl ymgeiswyr a ystyriwyd fel darparwyr a ffefrir. Cynrychiolwyd y Gwasanaethau Cyfreithiol ym mhob cyfarfod ac amlygwyd ychwanegiadau cyfreithiol i'r Contract terfynol. Rhannwyd gwybodaeth ategol contractau i sicrhau eglurder a chytundeb mewn perthynas â Diogelu, cysylltiadau â Genesis Cymru 2 a marchnata, Llywodraethu Contract, Amser arweiniol, cysylltiadau perfformiad gyda Dangosyddion Poblogaeth. Trafodwyd cadarnhad dyddiad cychwyn y prosiect hefyd.

Cadarnhaodd yr holl ddarparwyr a ffefrir ddyddiad cychwyn 1af Ebrill 2012.

4.5.9. Hysbyswyd Cadeirydd y Bartneriaeth ym mhob cyfnod allweddol y drefn.

4.5.10. Lluniwyd contractau gan y Tîm Partneriaethau a Chymunedau o fewn canllawiau Cyfreithiol a Chaffael.

PROSIECTAU STRATEGOL TEULUOEDD YN GYNTAF 2012-2014 A GOMISIYNWYD

4.6 Ynghlwm yn *Atodiad 1* mae rhestr o brosiectau strategol a symiau a ddyrannwyd, ynghyd â manylion ar statws y 2 elfen gwasanaeth nas dyrannwyd, sef Cefnogi Teuluoedd ac Anabledd.

5. Sut mae'r penderfyniad yn cyfrannu tuag at y Blaenoriaethau Corfforaethol?

Mae Rhaglen Teuluoedd yn Gyntaf yn gyfrannwr allweddol i'r Cynllun Mawr "Canlyniad 4, Teuluoedd agored i niwed yn Sir Ddinbych yn cael u cefnogi i fyw bywyd rhydd rhag tlodi, lle medrent fod yn annibynnol, a ffynnu".

6. Pa ymgynghori a fu?

- Grŵp Rhanddeiliaid Teuluoedd yn Gyntaf
- Bwrdd Prosiect Teuluoedd yn Gyntaf
- Bwrdd Partneriaeth Plant a Phobl Ifanc
- Grŵp Hawliau Cynnar ac Ymestyn Hawliau
- Uwch Dîm Arwain
- Defnyddwyr Gwasanaeth – plant a phobl ifanc anabl
- Rhieni / Gofalwyr plant a phobl ifanc anabl

7. Pa risgiau sydd ac a oes unrhyw beth y medrwn ei wneud i'w lleihau?

7.1. **Llithriant amserlen** – mae'r amserlen wedi bod yn dynn ond mae gweithredu methodoleg Rheoli Prosiect gan Fwrdd Prosiect Teuluoedd yn Gyntaf wedi golygu bod 7 allan o 9 elfen gwasanaeth wedi cychwyn ar 1af Ebrill 2012. Cafwyd trefniadau dros dro i gefnogi defnyddwyr gwasanaeth presennol nes bydd y 2 elfen arall yn eu lle.

7.2. Cynyddodd y penderfyniad i ddefnyddio **agwedd mwy ffurfiol tuag at gomisiynu** er mwyn gwella ansawdd canlyniadau, lefel y gwaith a oedd ei angen ei wneud gan gyrff yn tendro ar gyfer y Rhaglen ac efallai bod rhai grwpiau llai wedi teimlo eu bod dan anfatais. Mae risg y gall tendrwyd aflwyddiannus deimlo bod y broses dendro wedi bod yn annheg iddynt hwy.

7.3. **Lleihad yn y cyllid sydd ar gael ar gyfer y gwasanaeth newydd** – oherwydd oedi cyn dyrannu darparwr ar gyfer Elfen Cefnogi'r Teulu, a gorfod trefnu darpariaeth dros dro am bris, mae'r swm sydd ar gael ar gyfer 2012-2013 wedi gostwng. Gall hyn gael effaith ar ddarparwyr posibl sydd eisiau tendro.

Am wybodaeth bellach, cysylltwch â'r:
Swyddog Comisiynu a Gwerthuso
Ffôn: 01824 706283